



嶺海異聞

狃音寵狃音寵狃音寵

狃人屬出於暹羅之岨音短小精悍圓目而

黃睛性絕專慤不識金帛木食如猿獠古槎

蒙密者率數十巢蓋舉族所聚也語咿嚶不

可辯山居夷獠每諳其性常馴擾以備驅使

蒙以敝絮食以鯁音鰻鮫音貝夷言小鹹魚可

服之忌醋犯飲以漓酒即躍然喜似謂得所

主者舉族受役至死不避雖歷世不更他姓

嘗後以採片腦鶴頂皆如期而獲其山多犀
象主者利其齒角授以毒鏢狻挾以歸遇犀
或象輒往刺之升木而匿犀象或怒且索毋
得也移刻毒發而殪狻乃群聚叫嘯若誇其
捷者相戒聚以守經月犀象且腐所遺如牙
如角齒則負以數狻角乃一狻肩之以輸其
主遇奪他姓亦至死弗畀也舶人編竹為籠
紆深其制置所必由之徑機而取之以獻於
夷王王大愛玩酬以蘇方木至數千斤猶衣
狻以番錦飼以嘉實置之爽壇狻以非其主
終不附也然稍近煙火淚目死爾

象

象嗜稼凡引類于田必次畝而食不亂蹂也
未旬即數頃盡矣島夷以狐豚縛籠中懸諸
深樹狐豚被縛啞啞不絕聲象聞而怖又引
類而遁不敢近稼矣夫體巨而力強者物莫
象若佛書言菩薩之力譬如龍象是匹龍也
狐豚之聲乃怖而遁之島夷之術竒矣象足骨直

無屈曲處膽隨四時周流四腿鼻端有瓜子拾針耳後有穴薄如鼓皮一刺而斃認其子之皮則滋惟牙為世所用

海犀

海犀間出海上類野兕而額鼻有角與陸犀同所遊止處水為分裂夜則淵面白光熒熒此其異也島夷以是候之然竟無獲者遂為

希世之物矣舊說温嶠燃犀照水神怪莫測

晋温嶠傳嶠還武昌至牛渚磯水深不可測云其下多怪物嶠遂燬犀角而照之須臾見水族覆火奇形異狀或乘馬車著赤衣者嶠其夜夢人謂已曰與君幽明道別何意

相照也意甚惡之後以齒疾終即其角也錢吳寶庫有水犀

帶一具國亡流落人間不知所終云又野犀

有名通天者角表夜光如炬亦奇物也夷堅續志

凡犀角遇山川日月草木隨寓成影月與魚

鹿花已絕奇宋孝宗居德壽宮光宗上壽以萬緡賂海商得犀角一片是南極老人

星像所扶杖稍短類泣杖或以為不祥之物

遂却之今具星像者絕不可見鹿狗花則貴

家尚有之又廣州志犀角有烏犀花犀通天

花復通天犀則通天犀白花中復有黑花此皆

希世之寶也致之宋仁宗以通天犀帶賜寇萊公萊公竟待以瞑目不為不重矣其碎寒犀駭鷄犀則傳聞亦罕開元天寶遺事開元

二年冬至交趾國進犀一殊色黃如金使者請以金盤置於殿中温温然有暖氣襲人上問其故使者曰此辟寒犀也上甚悅厚賜之

海馬

海馬色赤黃高者八九尺逸如飛龍山食而

宅海盖龍種也東南島夷老於泛海者間一

見云昔人有得巨獸骨者以問沙門贊寧

宋初僧為寺主太祖至寺行香問曰朕見佛拜是不拜是曰見在佛不拜過去佛大合帝

意遂為定禮贊寧曰是為海馬骨水火俱不能毀

惟漚以糟腐即爛矣試之果然前代緇流博

雅乃爾則名為大儒者其可及哉

外一種海馬異物志云生西海大小如守宮蟲形似馬

或云乃石形似馬者竊恐初為生物遇泥沙衝漬久漸成石如石鱗本生鱗所成耳以海馬有二名故著之

海驢

海驢多出東海狀如驢舶賈有得其皮者毛

長二寸許晴則毳毳下垂陰則髦絛整整也

或以制卧裯善人御之竟夕安寢不善入枕

籍魂乃數驚矣島夷詫其靈不敢蓄也

海狗

海狗純黃形如狗大乃如猫嘗群遊背風沙
中遙見船行則沒海漁以技獲之盖利其腎
也方書或謂駭狗腎謂以此物醫工以為即
置之卧犬之側則驚駭而奔脰肭出西戎豕首魚尾而
二足圖經云黃毛三莖一竅恐別種也

獠獭

獠獭俱或作有白有黑有黃有狸狀酷類猫而
大亦高足而結尾捕鼠捷於猫也諸國皆產
惟暹羅者良舶賈挾至廣州常猫見而避之

豪家每十金易一云

海鼠

海鼠大如豕重亦百觔目正赤然猶畏猫或
獻於夷酋畜之別囿遇獠獭噬其目死焉海
魚每涉沙際佯不動海鼠以為彼失
水且死噬其尾鮎轉首跟之從水去

海鷗

海鷗似鵝而大不識人舶過嘗集人肩頂人

輒捕而烹之傳曰海上之人有好鷗鳥者每
旦從鷗遊至者百數其父曰取

來吾玩明日之海上鷗舞而不下此似寓言
之意也。晉書張華傳人有得巨鳥毛長三

丈者問之華華恹然曰此海鳥毛也
出則世將亂予以鷗鳥類近附之

海鷄

海鷄毛色如家鷄惟雙足鰲類爾海濱居民

每與異種交接伏雛多有異狀者

海鶴

海鶴大者脩項五尺許翅足稱是吞常鳥如

飲魚鱧成化間有至漳州者漳人射殺之復

有以頂貨者類洵河而銳味洵河即鵜鵠亦名洵河詩云維

鵜在梁不濡其味是也雄大雌乃田各小書咏于海暮宿

巖谷間鳥夷豫以小鏢付徃月夕則伏於鶴

常宿所擇其大者而刺之平旦有獲五六頭

者鳥夷乃剝其頂售于舶賈比至閩廣價等

金玉海鶴頂亦可製帶真者極貴重但偽售者多甚難辨耳記云海之上鶴千歲為

玄或云鶴有玄黃白蒼不等而白者最良堪入藥穆天子傳云天子至巨搜二氏獻白鶴

之血以飲天子注云血益人氣力蓋不特可充玩好而已

海鸚哥

海鸚哥黑喙綠羽足亦鰲也若禽類則亦有真鸚鵡具五色

者問以充貢

海鷺

海鷺小如鳩春回巢於古巖危壁葺壘乃白
海菜也島夷伺其秋去以脩竿接鏟取而鷺
之謂之海鷺窩隨舶至廣貴家宴品珍之其
價翔矣海旁俱沙磧無淤泥海菜脂瑩軟膩
鷺以營巢綢繆日久味加於本菜洗
濯時尚有鷺毛
粘著其上也

火鷄山鳳

火鷄出滿刺加山谷大如鶴多紫赤色能食

火澤州英鷄能食碎石子西夷駝吐氣亦煙

燄也

九鷄類多能吐氣記云錦鷄吐綬五子
彩成文爛然可愛瞬息漸收入口矣

如鵝胎殼厚踰重錢或斑或白島夷採為飲

盞見者多珍竒之山鳳喙首如鶴頂足率七

八尺翅翮過之能吞衆鳥敵人而啄其腦若

刀斧然子大如椰甌近時暹羅哪噠挾一以

餉盤檢悅之倩巧匠裁為酤瓴市井誇謂僅

見也夫明王之世不貴異物而杜滯巧此何

為者哉

海鯊

鯊有二種魚麗之鯊蓋閩廣江漢之常產海
鯊虎頭鯊體黑紋鱗足巨者餘二百斤以
春晦陟於海山之麓旬日而化為虎惟四足
難化經月乃成矣或曰虎紋直而踈且長者
鯊化也炳炳成章者常虎也本草云沙魚出
南海形如鱗無
足而有尾山海經云可以飾劔廣中亦有沙
魚其皮可以磨器及作劔室又傳云魚虎背
有刺皮如蜃頭如虎生南海亦有變為虎者
此疑同類異名但不云有足草木子曰鱗虫
皆卵生獨海鯊胎
生故為魚也最巨

海龜

海龜鷹首鷹吻大者方徑丈餘春夏之交游
卵於沙際島夷遇而捕之輒垂淚歎氣如人
遭困厄然或諭之曰汝再垂淚歎氣當解汝
縛龜便應聲潛然鳴若哀牛島夷昇至海濱
釋之龜比入水引頸三躍若感謝狀而逝晉書

毛寶傳寶在武昌軍人有於市買得一白龜
長四五寸養之漸大放諸江 城之敗養
龜人被鎧持矛自投於水中如覺墮一石上
視之乃先所養白龜長五六尺送至東岸遂
得免焉。富春志孫權時永康樵人入山得
大龜名元緒將獻之吳王夜泊舟於越石里
桑木下中夜聞木呼曰勞乎元緒何事乃爾
龜曰遊不擇時為人物繫木曰將烹爾

曰雖盡南山之木不能爛我木曰諸葛元遜
博物之士也爾至則禍必及我王既得龜烹
之積薪萬束莫能爛諸葛元遜果入曰宜用
老桑木煮之樵人因言越石所聞之語王伐
木煮之立爛云。夷監續志楊安撫一龜大
其弟夢信皆以世科官至安撫家蓄一龜
二尺餘作龜室于堂與每日餉以飯或餅餌
之屬二楊偶有除擢或有他毒小跳躍而
若即此數事則出而淡下夫載籍所記龜者
矣龜為然也記曰龍鳳龜麟謂之四靈又曰
守以靈龜是故龜不物矣

海鯉

鯉有二種常鯉類鱒魚而小河海皆產也海
鯉身首差短歲二八月群至數百騰於沙

移時化為鳥俗呼火鳩是也海濱居民候其
上也課而驚之化者纔十五鱗鬣全不開者

不全化矣居人羞者市者瀕海皆足即所謂

鳩雀入大水為蛤者也大抵造物變化無窮
曆不盡載耳晉書張華傳武庫雉雖旁有蛇
蛇宋楊文公談苑都下盛賣鵝是月絕無蛙
聲凡此類也惟段成式所記補闕張周見壁
上瓜子化為白魚徐聞陳司訓見一榕葉墜
地轉動不已拾之半化為蜻蜒古今所傳耳
目所受不

海鱖

海鱖長者亘百餘里牡蠣聚族其背廣茂之

積崇十許丈。鱗負以遊。鱗背平水。即牡蠣。嶧
岬水面如山矣。舶猝遇之。如當其首。輒震以
銃砲。鱗驚徐徐而沒。猶漩渦數里。舶顛頓久
之。乃定入。始有更生之賀。蓋觀甚奇。而災甚
切也。瓊州舊誌。趙忠簡公鼎請吉陽軍。即今
崖州。雷州守臣走使泛海。通問使者晨
望極遠。處隱隱如十里。紅旗出沒。疑為番寇。
指示舟子。舟子搖手戒勿語。乃披髮持刀。割
舌血滴水。中食頃方不見。問之曰。此海鱗也。
無數紅旗者。背翅耳。此舟幾為所壞矣。乃舉
酒相慶。可水物之害。有如是乎。披髮
裂舌。蓋厭禳之誌云。此魚長或千里。

鰻鱧

鰻鱧大者。身徑如磨盤。長丈六七尺。鎗嘴鋸
齒。遇人輒鬪。數十為隊。常隨盛潮。陟山而草
食。所經之路。漸如溝澗。夜則鹹涎發光。舶人
以是知為鰻鱧所集也。燃灰厚布。所開路。執
鏢戟諸器。群譟而前。鰻鱧循路而遁。遇灰體
澁。不可窳移。時乃困。舶人恣殺之。皮厚近寸

食之美於肉也。

圖經云。鰻鱧似鱣。是較蜃之類。海鰻最大。予嘗見釣獲者。

形甚可怪。亦堪入藥。如稽神錄所載。活勞疾婦人。功用非小。猶不及歙州五色者。為上品。

印魚

印魚出南海中似青魚而脩廣過之頭骨中
拆如解顱之嬰顛後垂皮方徑三寸許若道
巾之披餘然上有黑文儼如篆籀島夷間有
獲者必珍藏之不知其何謂也

河豚

河豚出於江河者皆不盈尺海中大者如豕
服雜紅黃文彩可玩常魚率順水而遊此則
旋迴戲躍噴沫之聲烏烏如訓狐服鳥也似

長沙作服或作鵬船人聞其聲知其下有河

豚也以小絙繫以鏢擲而獲之有重數十斤

者云此河豚背有紅黃圈文腹脹者烹鮓失

節能殺人梅聖俞詩所謂入口生鏢

者水舟人以占風雨今楊子江多有之許

噴水舟人以占風雨今楊子江多有之許

蜘蛛

海蜘蛛巨若丈二車輪文具五色非大山深
谷不伏也遊絲隘中牢若絙纜晨輝照耀光

燄燁燁虎豹麋鹿間觸其網蜘蛛益吐絲如
縞霞纏糾卒不可脫俟其斃腐乃就食之船
人欲樵蘇者率百十其徒束炬而往遇絲輒
燃紅遍山谷如設庭燎蜘蛛潛愈邃密惟恐
其及也或云取其皮為履不航而涉豈其然
歟陶隱居云蜘蛛有數十種今觀爾雅所載
色者不入藥則知具五色者海內俱有之但
不及海外者為極大耳埤雅曰蜘蛛義者也
然則海蜘蛛其專大
巧而竊物權者乎

猛火油

猛火油樹津也一名泥油出佛打泥國大類
樟腦第能腐人肌肉燃置水中光燄愈熾蠻
夷以制火器其烽甚烈帆檣樓櫓連延不止
雖魚鱉遇者無不焦爍也一云出高麗之東
高麗亦番國即
唐太宗所伐者盛夏日初出時烘石極熱則
液出他物遇之即為火此未必然恐出樹津
者是也

醯醢露

醯醢海國所產為盛出大西洋國者花如中

州之牡丹蠻中遇天氣凄寒零露凝結著他
草木乃冰澌木戒殊無香韻惟醱醱花上瓊
瑤晶瑩芬芳襲人若其露焉夷女以澤體髮
膩香經月不滅國人貯以鉛瓶行販他國暹
羅尤特愛重競買略不論直隨船至廣價亦
騰貴大抵用資香奩之飾耳五代時與猛火
油俱充貢謂薔薇水云晉書賈謐傳外國貢
異香著人則經月不
歇武帝甚貴之惟以賜侍中賈充及大司農
陳騫海外諸香木雖芬烈然不甚著人亦不
經久據所云
知即此香也

片腦

片腦產暹羅諸國惟佛打泥者為上其樹高
者三二丈葉如槐而小皮理類沙柳腦則其
皮間凝液也好生窮谷島夷以鋸付統就谷
中尺斷而出剝而採之有大如指厚如二青
錢者香味清烈瑩潔可愛謂之梅花片舊唐書至
中國檀翔價焉復有數種亦堪入藥乃其次
耳按本草有龍腦醫家專云片腦皆以為眼
科之藥蓋即一也圖經云龍腦香出婆律
國今惟南海番禺舶賈客貨之相傳云其木高
丈大可六七圍如積年杉木狀旁生枝

葉正圓而背白結實如荳蔻西陽雜俎云
水有肥瘦瘦者出龍腦香其香在木心波斯
斷其木剪取之肥者出婆律膏其膏於木
流出所木作坎而承之或云南海山中亦有
此老木唐天寶中交趾貢龍腦皆如蟬蛻之形
龍腦多用火煨成片中亦有雜鳥入藥惟貴
生者狀若梅花瓣甚佳也詳觀所記與圖經
大同小異雖所出之處不同意海外之國俱
有之總則謂之龍腦其成片如梅花者則謂
之腦耳

石蜜

允海山巖穴野蜂窠鳥釀蜜無收採者暮間
石罅在在泛溢拋露日久必宿蛇虺之毒船

人遭難入山者雖草木魚鱗之屬糝以胡椒
熟而食之無害也脫遇石蜜以為甘而過食
必大霍亂而死可不慎諸桐鄉摘集海外四
採之率多醉死惟冬時少衰餘月皆盛開蜂
云遠方山即幽僻處出蜜所著喚巖石壁非
攀緣所及惟於山頂藍舉自懸掛下遂得採
取蜂去餘葉著石鳥雀群飛來啄之盡至春
蜂歸如故海上千巖萬岫四時和
暖百花盛開故蜂蜜勝於他境

伽南香

香品雜出海上諸山蓋香木枝柯竅露者木
立死而本存者氣味皆溫文為大瑩所穴豈

食石蜜歸而遺於香中歲久漸漬木受蜜氣
結而堅潤則香成矣其香本未死蜜氣復老
者謂之生結上也木死本存蜜氣凝於枯根
潤若錫片謂之糖結次也其稱虎斑結金絲
結者歲月既淺木蜜之氣尚未融化木性多
而香味少斯為下耳諸香惟此種不堪入藥
故本草不錄廣州志云沉香有黃沉黑沉至
皆樹枯其根所結如南木乃沉之生結者大
抵諸香無異種但分生死結久近粗細耳如
青桂香馬蹄香棧香速香之類各有近世士
次第而加南為上沉次之餘再此之

夫以制帶鏤率多湊合頗若天成純全者難
得耳

辟珠

辟珠大者如指頂次如菩提子次如黍粟質
理堅重如貝辟銅鐵者銅鏤不能損辟竹木
者竹木不能損犯以他物即毀矣常附胎於

椰子檳榔果殼之實之內通謂之聖鏤一名實

鏤人有善鼓琴於月夜者鏤自池島夷能辨

之攻以為守寶也夫威喜辟兵抱朴子茯苓

近世有
得之大
竹之內
者

群鷄之辟兵試以帶於鷄首雜舍利拒火僧有利
云血氣精華之所凝結火化之後炳然獨存
天竺沙門僧康會對孫權曰舍利威神豈有
光相而已此乃劫燒之火所碎而此珠出於草
木乃能制犀利之物無亦庶類精華之所融
結邪然皆中國未之或見也所謂鍾於物而
不鍾於人者茲亦一佐邪

蓬蓬柰

蓬蓬柰華言破肚子蓋果實也產於暹羅之
嶠隴如大棗而青島夷日乾以附遠漬以沸

汁其皮自脫圓滿如大李肉潤賦如紅酥其

美可餒亦珍味云南方草木狀所載廣南菓

波羅蜜石栗海梧海松子蓬蓬柰雖稱珍奇

要之皆在枝圓橘柚之下惟海松子入藥極

為難得○波羅蜜按隋書四夷傳百濟有異

樹名婆羅婆樹其實大如甕又云出波斯國呼

為阿菩鞞樹長五六丈皮色青綠葉極光淨

冬夏不凋無花結實從樹莖出有殼裏之殼

上有刺齾至其可食核大如棗一殼裏中
有數百枚核味如栗州凡家園皆有之味
甜而頗腥氣仁頗其不如栗名獨盛矣○石
栗樹與栗同但生於山石罅中花開三年方
結實其殼厚而肉少其味似胡桃仁熟時或
為群鸚鵡至啄食畧盡故彼人極珍貴之出
日南○海梧子樹似梧桐色白葉似青桐片

子如大栗肥其可食出林邑○海松子與中國松同但結實絕大形如小栗三角肥其香美出林邑新羅

崑崙山

山在大佛靈南凡七嶼七港是謂七門唐書廣州

東南南海行二百里至屯門山或疑即此山計之道里不同恐非也其旁洲嶼

皆翼然環列適諸國者此其標也其山多兕

犀野馬巨麕異蛇大木復平川沃壤數百頃

椰樹駢生墮實彌谷冬瓜延蔓蒼藤徑寸實

長三四尺大踰一圍海上無人之境產物皆碩朱崖何首烏天南星

二藥皆三倍於常品氣味自別固知有棗如瓜非誕語也糜腐若泥淖然

舶欲樵蘇非百人不敵即往老估嘗鑿崖壁

識驗以示防云

分水

分水在占城之外羅海中沙嶼隱隱如門限

延綿橫亘不知其幾百里巨浪拍天異於常

海由馬鞍山抵舊港東注為諸番之路西注

為朱崖即今瓊州府所屬儋耳即今之路天

地設險以域華夷者也朱崖儋耳之境縱觀于海則見洪濤駭浪

勢如沸鼎色類藍靛遙望不極問于居民此
外當為何所咲而不答嘗聞崖州老蛋云每
取魚遠出界夜半畧聞鷄聲此為占城國而
島夷志又云占城至崖州七日程蓋海直抵
天際朱崖與諸番皆在海中由外羅歷大佛
如浮厄然地理圖所載是也

靈以至崑崙山自朔至望潮東旋而西既望
至晦即西旋而東此又海中潮汐之變也惟
老於操舟者乃能察而慎之余子華講正蒙
及潮汐必從之

襄海潮圖為是蓋主月之所臨潮必從之
說及遊朱崖讀王桐鄉摘集又以長短星為
驗再檢嶺外錄云江浙之潮自東流兼月西
之潮則朔望大變海之潮半月東流兼月西
流潮之大小隨長短星不係月
之盛衰始知王之說蓋祖此

萬里石塘

萬里石塘在鳥瀦獨瀦二洋之東陰風暗景

不類人世其產多瑋琰蛤蚌之屬海南人以
鋸解之磨礮為硯極

可珍玩本草以為其鳥多鬼車尤首者四三

首者鬼車晦冥則飛鳴能入人室收人魂魄
一名鬼鳥此鳥昔有十首一為犬所

噬今猶餘九首其一常下血滴人家則凶夜
聞其飛鳴則換狗耳猶言其畏狗也亦名九

頭鳥荆楚歲時記云姑獲夜鳴聞則換狗周
禮庭氏以救日之弓救月之矢射之是也

漫散海際悲號之音聒聒聞數里雖愚夫悍

卒靡不慘顏沾襟者沲師脫小失勢誤落石

漢婁百軀皆鬼錄矣

萬里長沙

萬里長沙在萬里石塘東南即西南夷之流
沙河也尚書曰西弱水出其南風沙獵獵晴
日望之如盛雪舶誤衝其際即膠不可脫必
幸東南風勁乃免陷溺宋玉招魂篇西方

鐵板沙

成化二十一年乙巳 憲廟遣給事中林榮
行人黃乾亨備封冊之禮以如占城官治大

舶一艘凡大舶之行用小艚船一選熟於洋
道者數十人駕而前謂之頭領大舶之後繫
二小船以便樵汲且以防虞謂之快馬亦謂
脚艇是役也軍民之在行者千人物貨太重
而火長又昧於經路次交趾之占璧羅誤觸
鐵板沙舶壞二使溺焉軍民死者十九夥伴
中有麥福者同七十餘人奪一脚艇棹至崖
側巨浪簸蕩衆懼捨舟而登山回望大舶覆
處近如席前洪濤瀾汗惟敗篋破甑出沒于

其間數百人者漚滅無跡衆皆長慟於是晝
行夜伏捕蛇鼠拾草木之實而啖風雨晦冥
石妖木魅千竒萬怪來侮來狎悉難名狀且
已忘甲子惟視月弦望以驗時日曾未浹旬
死者強半存者二十四人復已缺食二日踰
跚冥行俛入空谷谷中石窟寬坦如堂有草
葉如廣之水蕉掘之根類蹲鴟而大競取以
食喉間微覺苦澁餘味如葛識者曰此非惡
草也第未經風日水土氣作苦澁味耳乃曝

之日中衆亦偃息石窟已皆酣寢比寤曉星
煌煌矣遲明敲火燃草取所曝日中者煨而
食之味轉香滑晨進一枚饑渴俱弭相率肆
力而採頃之根裔都盡窟居二日體力完健
乃人負數枚復沿水際而行俄聞谿中人語
至見島夷數輩乘三小船循谿搜撈段帛諸
物有諳夷語者詢之乃交趾占城二國之交
徼巡船也二船酋長聞是覆溺之餘為之隱
惻各取十二人共載以歸二國夷王謂天朝

人民館穀如禮於是占城遣人以二使來計

廣中始知大舶汨沒守臣以聞二使均荷恤

蔭二使以死勤事聞其孫子甲科世盛朱紫相襲天之右功不為踈矣紹興毛為崗題

其家輓冊有白骨已沉恩似又踰年二國始

具海舟資送諸人以還蓋同日達廣也逆計

胝危之日至是已二年矣麥福自言向在占

城旅次月夕夢還其家見三道士設水陸醮

聞其妻哭聲而寤福於枕上亦哭同寢詰之

語之夢無不驗鼻者次年抵家見其妻髮而

麻衣筵几儼然夫婦相持悲喜交集詢其妻

云凶問至時為丙午六月晦初猶未信既而

審然七月望始倩道流招魂而葬月夕之夢

無乃是乎吁人之遊魂夕數千里不既神乎

海和尚

海和尚人首鬣身足差長而無甲舟行遇者

率虞不利弘治初廣東督學僉憲淮陽常彥

質先生將視學瓊州陸至徐聞方登海舟此

物升鷁首而躡舉舟皆泣謂有魚腹之憂議

將禳之先生方嚴人不敢白也詰旦抵瓊留
十許日試士都畢泛海而還若履平地後遷
福建憲副考終于家語口妖不勝德草木子曰
陸生之物水中必具計必有海人嘗聞之海
賈云有海人出形如僧人頗小登舟而坐至
則飛舟人寂然不動少頃
復沉水否則大風翻舟

海神

風柔浪恬島嶼晴媚倏然紅旗整整擁浪而
馳迅若激電火長即焚香長跪率衆而拜曰
此海神遊也整整紅旗者夜叉隊也遇者吉

矣南海神最靈驗勅賜廟宇春秋一祭國有
本海中天子為遣使進香廟舊有波羅樹一
事海神不一廣鹽有歲問歲來朝民間舟中所
昌化有峻靈王祠蘇子瞻謫
海南為作碑記餘不盡錄

鬼船

海船相遇火長必舉火以相物色日影向西
或三或兩帆檣樓舵首尾間缺下上歌側掠
浪衝突此舉火而彼不應者知鬼船也巫乃
披髮擲米拋紙而厭勝之遊魂為變則覆溺
操之舶果何所
化耶未可知也

飛頭蠻

飛頭蠻亦海山中鬼物也居處嗜好與人無
別夜則其首飛去願實穢物歸則身首屬而
燕之惟領下微痕如紅線耳暹羅島夷有娶
婦得此者其夫惡之或教以俟其首去置身
于地以小刀刺喉頸間頃之首歸不合宛轉
而死夷僧云是必素違誓約鬼罰乃爾然予
偶記小說云某人家生一子自然無首則飛
頭者豈亦沴氣適然所鍾邪有人嘗言海外

婦者婦每夜從床前入地去飽食魚鱗而返
衣猶沾濕其夫欲逐之不果後生子如常亦
無他異祭酒泰泉黃公志云親見香山縣深
林中有物如嬰孩而裸自藤蘿中携手魚貫
而下相挽不斷見人輒笑至地而城土人謂
之赤蝦亦無所怖及閱雙槐集所載亦與此
合又益商高氏言伐薪清遠縣山中見一小
孩奔走衆逐入枯樹中以火熨之出走死視
之儼如人形惟脇下多兩翅耳二縣乃廣州
屬邑已希異如此是知六合之中無所不有
而海外神怪為多矣

人魚

人魚長四尺許體髮牝壯人也惟背有短鬣
微紅耳間出沙汨亦能媚人舶行遇者必作

法禳厭惡其為祟故也昔人有使高麗者偶泊一港適見婦人仰卧水際顙髮蓬短手足蠕動使者識之謂左右曰此人魚也山海經曰西海中近列姑射山有陵魚人面人手魚身慎毋傷之令以楫扶置水中巽波而逝

蛇異

弘治間有舶欲販於占城者舶中二十人將即山而薪是夜舶主夢神語之曰明日斫山須多裹鹽也寤而異焉以語諸薪者或笑或不

不信舶主曰第人負十許斤何礙衆從之乃乘二快馬即山山麓石潭深不可測二十人者分明而攻日影西下山聲殷殷如雷衆謂天日高晴何以有此是必有異升木而伺俄有巨蛇蜿蜒幾^許里其色正黑兩目如炬山巔奮迅而下沒于潭如雷者乃觸石崩隕之聲也有蜈蚣長可七尺騰躍而逐之旋潭踐寢尾端毒沫時時射潭內水色變如油抵暮潭面火燄高尺許舶人熟視乃自蜈蚣甲間

出夜分循山而去光燁燁燭山谷遲明下山
觀之蛇蹇踞死潭間衆方譙喜曰裹鹽之夢
實神貺也乃以藤纜聯巨鐵鈎引蛇出平野
剥其皮厚如黃牛之革骨節中壅曰醃其肉
殆滿船腹衆乃輟薪載蛇以回舶島夷之船
或過而見其皮問何從得之為價幾何舶主
給曰五十金島夷付之不較復問肉價幾何
曰百金又付之不較易載將發舶主謂島夷
曰若何急此為也島夷笑曰漢兒不識寶耳

是乃龍也其皮鞞鼓聲聞二十里

龍皮亦可製扇開元

天寶遺事元寶家有一皮扇子置於坐前使新水灑
暑月宴客即以此扇子酒之間客有疾色遂命撤
之颯颯然風生中使去取愛而不受帝曰此
去明皇亦曾差中使去取愛而不受帝曰此
龍皮扇也此皮中七鼓一鼓即償今值易易也

肉以為鮓貨于國中且不知值又幾倍矣舶

主懊恨自謂其不善賈也

人有見小蛇於池塘

蛇但沒水誤於水面布毒沫蛇不禁自浮
出誤於乃齒殺之并去其兩目卿云誤於

寄種于蛇目是以毒也九誤於極大則有寶
珠雷每擊之或云惡其善傷龍也又沈存中

筆談云見一蛇入腹磨竹隙再三而去少頃破竹

視之則異物之所屬矣蓋物之小制大理實運之耶

龍變

岡瀕海州也環海皆崇山其氓多以樵採為業昔有樵者三十餘輩駕二白罽涉海而斫薪午將及岸遙望巨物青黑如蛇垂首山脊其角觚觚也諸衆人譙相召曰蚺蛇吞鹿矣蚺蛇長數丈大亦數圍善吞鹿惟角難進乃伏水中俟其將腐變登木自絞則角脫骨盡出矣楚詞辯證疑已蛇食鹿出骨事似迂誕而蚺蛇已自然者瞻入藥最良本草以為產於高雷而彼利得鹿吾屬利得蚺耳棹歌勇海外尤盛

躍而前維舟山麓以挺與刃譟而爭先比至山半陰雲四合雷電大作兩雹石注樵者怖散莫知所之頃之天日開霽崩崖拔木彌溢山谷樵人血額裂趾者纍纍而集顧見二白罽閣置樹杪攀木而升則雨雹滿載惟米鹽衣被略無所損乃取米若金為糜而食越數日別罽踵至衆乃得歸也此或龍運天變之期也

運則屋宇人畜頃刻半空無論舟揖也易曰龍戰于野鄒陽疏曰神龍驤首奮翼則浮雲出流斯際也天地且易位人孰得而嬰之○深山大澤神物所居切不可觸犯續搜神記

云昔有三人共在山中伐木忽見石窠中有
二卵大如升取煮之始湯熱便聞林中如風
雨聲頃更有一蛇大十圍長四五丈
徑來於湯中啣卵去三人無幾皆死

石妖

妖出崑崙山疑亦陰精也昔漳人有販舶者
偕伴數十薪于山中崖間石壁可鑑漳人袒
負石立俄有婦從石隙出姿態姝麗殊非蠻
島所有漳人與語媚之迷惑忘返遂伉儷焉
婦日獻草木實殊形異色味皆甘脆遂已饑
渴乃導漳人葺茅以居繞舍蒔美竹踰時即

長林鬱鬱無復寒暑漳人時從婦陟嶽求食
每遭猛獸鬼物婦身為蔽翼習見毋怪亦毋
恐也婦又教之驗草木榮落以記時歲漳人
安之是生二子不自知其流落海嶼間也所
閱草木凡五榮落婦或他出漳人獨居忽聞
伐竹聲往視乃舶樵也中有舊侶二輩即鄉
思油然而向舶人道所以請共載以歸舊侶乃
匿之舟中婦拔二雛追至沙渚侏儻之聲如
怨如詈擲二雛於水號噉而去漳人登舶竟

瘖不能語 夷墜續志廣州有商人與同伴泛

同伴登岸歌泊至一洲間結茅居止遂相與

約云若回舟如見竹竿標記衣物可來相接

若無標記即已不諱不必泊船恐阻風利也

越半年舟經前地則竹竿衣物無矣衆相

望歎歎而回○昔有富商漂海舟折抱一板

至岸得熊母挽之而上登石竅甚深窈其中

以草芥毛羽為巢頗温暖菓木具設商安焉

與熊合而生子狀類猴後有賈舟經其下商

抱子登舟有珠數顆極為珍美熊見商去亟

緣崖而下攀附不可投水死商携子歸本姓

之子不容遂養于別所長分以財帛俾

店于公安而姓之曰熊今其遺種猶存

